

A. Meletlet im Yokwe (1 Ri-Korinth Ro 8 — Mōñā ko rej katok kaki ñan ekjab ko)

- ❖ Paul ej “kōjepel” kabuñ eo ñan ruo kumi: ro “rekajur” im ro “remōjno”..
 - Ro rekajur rej melele bwe ekjab ko ejelok tokjeir, kinke ewōr juōn wōt Anij emol. Ro remōjno rejjañin melele kin men in. (1 Cor. 8:4-7a).
 - Ro rekajur rej mōñā kanniōk ko kar emoj katok kaki ñan ekjab ko kinke rejelā bwe ekjab ko rejjab maroñ katton mōñā eo. Ro remōjno rej tōmak bwe rej jerawiwi elañe rej mōñā kanniōk eo. (1 Cor. 8:7b).
- ❖ Ak ro rekajoor, kōn aer jeļā im waanjoñak, remaroñ kōmman bwe ro remōjno ren buñ (1 Cor. 8:10). Kin an yokwe jein ak jatin, eo ekajur ej aikuj in dāpij e make. (1 Cor. 8:11-13).
- ❖ Rikirijin ro rej aikuj likit yokwe mokta jen jelālokjen ñe jelālokjen emaron juon menin bōbrae ñan jein ak jatin eo “emōjno” (ilo ial in eddeklok ilo jitob).

B. Jimwe ko an Gospel eo (1 Ri-Korinth Ro 9 — Paul ear jolok jimwe ko an)

- ❖ Paul ear jolok enañin jilu jimwe ko an kin an yokwe ro remōjno::
 - * Jimwe ñan bōk mona ko kijen jen eklejia eo (1 Cor. 9:4)
 - * Jimwe ñan an bed ibben lio belen (1 Cor. 9:5)
 - * Jimwe ñan jab kōmman jerbal in kōjparok mweik ak jerbal in kamta (1 Cor. 9:6)
- ❖ Meñe Jisōs ear kalikar bwe ro rej kwalok gospel eo rej aikuj mour jen gospel eo, Paul im Barnabas rar make jolok men in bwe ren jab bōbrae ri tōmak ro (1 Cor. 9:12-14; Lk . 10:7).

C. Menin Katak Ko Jen Ien Ko Mokta (1 Ri-Koorinth Ro 10:1-13 — Nan in Kakkōl Nae kabuñ ñan Ekjab)

- ❖ Eñjake eo an Exodus, melele kake ilo jitōb, ej juon men eo ej einlok wōt ad make. Kijoone loṃaļo ej āinwōt bujen peptaij eo ad. (1 Corinthians 10:1-2). Mōñā im idaak ko rar bōki ilo āne jemaden ej einwot ad bōk koṇaad ilo Kwojarjar eo, ijo jej mōñā im idaak, ilo jitōb, enbwinin im bōtōktōkin Jisōs (1 Corinthians 10:3-4).
- ❖ Kōjparok! Meñe rar iion men ko renana, Ri Israel ro rar buñ ilo bwid ko relap, ekoba kabuñ ñan ekjab im mour in lūñ. Lale bwe en jab walok men in ñan kij! (1 Ri-Korinth 10:5-10). Kin menin ri jilek eo ej kajemlok mōttan in kin juon nan in kakabilek ekajur: “Innem, elañe kwoj lemnok kwoj jutak bin, kwon kejbārok bwe kwon jab buñ” (1 Cor. 10:12).

D. Jolōk Kabuñ ñan Ekjab (1 Ri-Korinth Ro 10:14-22 — Kap an Irooj im kap in tiṃon ko)

- ❖ Elañe mōñā ko rej katok kaki ñan ekjab ko remaroñ mōñā ilo ejelok inebata, etke Paul ej einwōt ej kakabilek nae menin ilo 1 Ri-Korinth 10:20?
- ❖ Ej juon men ñan mōñā kanniōk ilo mweo, ilo ejelok bōd, im bar juon men ñan kōmmene ilo ien kwojkwoj eo an armij ijo rej kabuñ ñan ekjab ko. Ilo an bōk kunan ilo kain kwojkwoj rot kein, ri tōmak eo ej jolok tōmak eo an im bōk kabuñ ñan ekjab.
- ❖ Ilo ad bōk koṇaad ilo Kōjota eo ekwojarjar jej erom mōttan ānbwinnin Kraist (kabuñ eo), ak, ilo ad bōk koṇaad ilo ṃakūtkūt in kabuñ-jar ñan ekjab, jej bōk koṇaad ippān tiṃon ro (1 Cor. 10:16-20).
- ❖ Jejjab maroñ bōk kab in Kwojarjar, nebar Jisōs, im –ilo ien eo wot– bōk jen kap eo ej nebar demon ro (1 Cor. 10:21).

E. **Ta eo Ekkar ñan Kien im ta eo emman** (1 Ri-Korinth Ro 10:23-33 — Kõmmõne men otemjej ñan Kaibojoj Anij)

- ❖ “Emelim Kommon men otemjej, botab ejjab aolep men remmon” (1 Ri-Korinth Ro 10:23). Ruo waanjonok ko rejimwe:
 - Jikin wia kanniök eo ear wiakake mōñā ko kar katok kaki ñan ekjab ko im mōñā ko rar jab katok kaki. Ri tōmak eo ej jab aikuj in kajitōk rar ke katok ak jab kanniök eo bwe en jab lelok lemnak eo ke ej watōk bwe ejjab jimwe an mōñā kain kanniök rot in (1 Cor. 10:25).
 - Juon eo ejjab ri tōmak ear kir juon ri tōmak bwe en mōñā. Ri tōmak eo ear mōñā ilo ejelok kajitōk (men otemjej rej maroñ ñan e). Ak ri-lotok eo ear ba bwe kanniök eo kar katok kake ñan juon ekjab. Kin menin, bwe en jab kainebataik lemnok eo an ri kur eo, kar watōke bwe ejjab jimwe an ri tōmak eo mōñā kanniök eo (1 Ri-Korinth Ro 10:27-29).
- ❖ Pedped in katak kein rej barāinwōt ruo: nōbar Anij ilo men otemjej (1 Kor. 10:31); im ñan bukōt tokjen eo an ro jet (1 Kor. 10:24, 32).
- ❖ Menin ej, ñan yokwe Anij ilōñin men otemjej im ro ri turum einwōt kwe make (einwōt an kar Jesus kajitōk ibben likao eo ri mweie).